



## Մեդիագրագիտության շաբաթ Հայաստանում Նոյեմբերի 8-15, 2025

Մեդիա նախաձեռնությունների կենտրոնը և ՀՀ կրթության գիտության, մշակույթի և սպորտի նախարարությունը **2025թ. նոյեմբերի 8-15-ը** հայտարարում են **Մեդիագրագիտության շաբաթ** Հայաստանում և հրավիրում ՀՀ բոլոր դպրոցներին, մանկապարտեզներին, բուհերին, գրադարաններին, կրթական և մշակութային կենտրոններին և այլ շահագրգիռ կառույցներին՝ միանալու շաբաթվան:

Հայաստանում Մեդիագրագիտության շաբաթն անցկացվում է արդեն ութերորդ անգամ, այս տարի՝ **«Մեդիագրագիտություն և պատասխանատու թվային քաղաքացիություն»** խորագրի ներքո:

Նոյեմբերի 8-ին Մեդիագրագիտության շաբաթվա պաշտոնական բացումը կազդարարի թեմատիկ կոնֆերանսը (գրանցվել կարող եք [այստեղ](#)), որի շրջանակում կլինեն պանելային քննարկումներ, համաժամանակյա աշխատարաններ՝ նախատեսված ուսուցիչների, դասավանդողների, փաստեր ստուգողների, երիտասարդների համար: Միջազգային և տեղացի փորձագետները կանդրադառնան մեդիագրագիտության ինտեգրման միջազգային փորձին, արհեստական բանականության մարտահրավերներին ու փաստերի ստուգման կարևորությանը, ինչպես նաև ֆիլմերի կիրառությանը՝ որպես կրթական մեթոդ:

Մեդիագրագիտության շաբաթը ամենամյա նախաձեռնություն է, այն հնարավորություն է կրթության ոլորտի կառույցների ու կազմակերպությունների համար՝ օգտվելով [առկա կրթական ռեսուրսներից](#) միջոցառումներ ու դասեր անցկացնել, մասնակցել առցանց և դեմադեմ հանդիպումների, ինչպես նաև մշակել և իրականացնել կրթական նախագծեր:

Մեդիագրագիտությունն այն ուղեցույցն է, որ կարող է օգնել մեզ հասկանալ տեղեկատվական հոսքերը, ճանաչել որակյալ լրագրությունը, հետևել մեր թվային վարքին ու մեդիա հիգիենային՝ օգնելով ինքներս մեզ ու ուրիշներին փաստերի վրա հիմնված դատողություններ անել, ազատորեն քննարկել խնդիրները և տեղ հասցնել մեր ասելիքը՝ առանց վիրավորանքի ու ասելության, խուսափել ծուղակներից, վտանգներից, չտրվել քարոզչությանն ու կեղծիքին:



*Մեդիագրագիտության շաբաթը միջազգային շարժում է, որ ՅՈՒՆԵՍԿՕ-ի գլխավորությամբ անցկացվում է ամեն տարի աշնանը՝ նպատակ ունենալով ավելի մեծ ուշադրություն հրավիրել մեդիան հասկանալու, վերլուծելու, գրագետ և արդյունավետ օգտագործելու կարևոր խնդիրների վրա:*

***Ինչպես միանալ մեդիագրագիտության շաբաթվան.***

- Հետևել [ԿԳՄՄՆ](#) և [ՄՆԿ](#) ֆեյսբուքյան էջերին,
- Սովորել՝ անցնելով «Մեդիա լիտություն» առցանց [դասընթացը](#) և նոր «5 մատի պես ճանաչել մեդիան» [դասընթացը](#),
- Ուսումնասիրել ՄՆԿ հրատարակած և ԿԳՄՄՆ կողմից երաշխավորված «Մեդիա լիտություն» ուսուցչի [ձեռնարկը](#), դրա հիման վրա իրականացնել ուսումնական նախագծեր,
- Ուսումնասիրել ՄՆԿ հրատարակած [«5 մատի պես ճանաչել մեդիան» ձեռնարկը](#), իրականացնել դասընթացներ՝ առաջարկված թեմաներով՝ օգտագործելով ընդգրկված գործիքակազմը
- Ծանոթանալ մեդիագրագիտության այլ ռեսուրսների Media.am [կայքում](#), դրանց օգնությամբ անցկացնել դասեր, քննարկումներ, միջոցառումներ,
- Սովորողների հետ հանդիպման հրավիրել վստահելի լրագրողի կամ կազմակերպել այց որևէ լրատվամիջոց,
- Լսել [Էնցիկլոմեդիա փոքրասրների շարքը](#)՝ մեդիագրագիտության մասին
- Խաղալ մեդիագրագիտության [համակարգչային](#) և սեղանի խաղեր,
- Ուսուցիչների համար. մասնակցել առցանց կամ անցանց հանդիպումներին, հանդես գալ հոդվածներով մեդիայի և մեդիագրագիտության թեմաներով, կիսվել փորձով և իրականացրած նախագծերով:



ՄԵԴԻԱ  
ՈՐԱԳԻ  
ՏՈՒԹՅԱՆ  
ՇԱՐՔԻ

# ՄԵԴԻԱՈՐԱԳԻՏՈՒԹՅՈՒՆ ԵՎ ՊԱՏԱՍԽԱՆԱՏՈՒ ԹՎԱՅԻՆ ԲԱՐՍԵՎՅՈՒԹՅՈՒՆ

- Ստեղծել և սոցիալական մեդիայում տարածել կրթական ու տեղեկատվական նյութեր, մեդիագրագիտության ուղերձներ ու կանոններ **#Եամեդիագրագետեմ**, **#մեդիագրագիտությանշաբաթ2025** հեշթեգերով:

Կոնֆերանսի և շաբաթվա միջոցառումներին կարելի է ծանոթանալ <https://mediainitiatives.am/ml-week-2025/> և <https://media.am/hy/announcements/2025/10/24/43767/> կայքերում:

Մեդիագրագիտության շաբաթվա հետ կապված հարցերի դեպքում գրել Մեդիա նախաձեռնությունների կենտրոնի մեդիագրագիտության ծրագրերի համակարգող Անի Եղիազարյանին՝ [ayeghiazaryan@mediainitiatives.am](mailto:ayeghiazaryan@mediainitiatives.am) էլ փոստի հասցեով կամ զանգահարել 095583616 հեռախոսահամարով:

---

*Մեդիագրագիտության շաբաթն անցկացվում է «Երիտասարդները գործելիս. Հայաստանում երիտասարդների գործընթացման և առաջնորդության խթանման» ծրագրի շրջանակում: Այն Եվրոպական միության և Կոնրադ Ադենաուեր հիմնադրամի կողմից ֆինանսավորվող նախաձեռնություն է, որն իրականացվում է Վորլդ Վիժն Հայաստանի, Մեդիա նախաձեռնությունների կենտրոնի և Գյումրու «Երիտասարդական նախաձեռնությունների կենտրոն»-ի հետ համատեղ:*